



KEMENTERIAN KESIHATAN MALAYSIA

## **KENYATAAN MEDIA**

### **KEMENTERIAN KESIHATAN MALAYSIA**

#### **SITUASI SEMASA DEMAM DENGGI DI MALAYSIA**

#### **MINGGU EPIDEMIOLOGI 34 (18 OGOS 2024 – 24 OGOS 2024)**

Pada Minggu Epidemiologi ke-34 tahun 2024, jumlah kes demam denggi yang dilaporkan adalah sebanyak 1,980 kes berbanding 2,294 kes pada minggu sebelumnya. Terdapat satu (1) kematian akibat komplikasi demam denggi dilaporkan pada Minggu Epidemiologi ke-34 tahun 2024.


Kumulatif kes demam denggi yang dilaporkan sehingga Minggu Epidemiologi ke-34 adalah sebanyak 94,807 kes berbanding 78,277 kes bagi tempoh sama tahun 2023. Manakala terdapat 84 kematian akibat komplikasi demam denggi telah dilaporkan berbanding 55 kematian bagi tempoh yang sama pada tahun 2023.

Bilangan lokaliti hotspot yang dilaporkan pada Minggu Epidemiologi ke-34 adalah sebanyak 85 lokaliti berbanding 91 lokaliti hotspot pada minggu sebelumnya. Dari 85 lokaliti yang dilaporkan, 68 lokaliti di Selangor, empat (4) lokaliti di Negeri Sembilan, empat (4) lokaliti di Kelantan, tiga (3) lokaliti di WPKL & Putrajaya, tiga (3) lokaliti di Perak, dua (2) lokaliti di Sabah dan satu (1) lokaliti di Kedah.


Bagi surveilans chikungunya, dua (2) kes direkodkan pada Minggu Epidemiologi ke-34. Jumlah kumulatif kes chikungunya sehingga kini adalah 68 kes. Tiada wabak chikungunya dilaporkan pada Minggu Epidemiologi ke-34. Bagi surveilans zika, sebanyak 1,781 sampel darah, lapan (8) sampel urin serta tiga (3) sampel cecair serebrospinal telah dijalankan saringan zika dan keputusannya adalah negatif.

"Malaysia Madani: Jiwa Merdeka" merupakan tema Hari Kebangsaan ke-67 yang melambangkan kesepaduan secara holistik negara maju dan progresif menaungi rakyat berbilang kaum, bersatu hati serta teguh jati diri. Kesedaran dan tindakan kolektif dalam mengatasi masalah denggi merupakan manifestasi jiwa merdeka, yang mana rakyat mengambil tanggungjawab untuk menjaga kesihatan dan kebersihan persekitaran mereka agar dapat membebaskan diri daripada ancaman jangkitan demam denggi. Ini termasuk usaha dalam memupuk semangat kerjasama antara penduduk untuk membersihkan kawasan yang berpotensi menjadi tempat pembiakan nyamuk serta mendorong masyarakat untuk mengambil langkah-langkah pencegahan yang berkesan. Selamat menyambut Hari Kebangsaan ke-67, Malaysia Madani: Jiwa Merdeka. **Tiada *Aedes*, tiada denggi, chikungunya dan zika.**


**DATUK DR. MUHAMMAD RADZI BIN ABU HASSAN**  
**KETUA PENGARAH KESIHATAN**  
**2 SEPTEMBER 2024**




Gambarajah 1: Perbandingan kes dan kematian demam denggi Minggu Epidemiologi ke-34 & ke-33 tahun 2024



Gambarajah 2: Perbandingan kes dan kematian demam denggi sehingga Minggu Epidemiologi ke-34 tahun 2024 dan tempoh sama tahun 2023



**Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-34), 2023 dan median 2019-2023**



**Gambarajah 4: Jumlah lokality hotspot denggi Minggu Epidemiologi ke-34 tahun 2024**